

(„Službene novine Kantona Sarajevo“, br. 37/09)

Na osnovu člana 12. tačka c) i člana 18. tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), člana 6. Zakona o ustanovama ("Službeni list RBiH", broj 6/92, 8/93 i 13/94), čl. 13. i 14. Zakona o muzejskoj djelatnosti ("Službene novine Kantona Sarajevo", broj 2/00 i 7/05) i Pravilnika o uslovima za osnivanje i početak rada muzeja, muzejskih zbirki, muzejskih izložbi i galerija ("Službene novine Kantona Sarajevo", broj 24/00), Skupština Kantona Sarajevo, na sjednici održanoj 30. decembra 2009. godine, donijela je

ODLUKU

O OSNIVANJU JAVNE USTANOVE MUZEJ "ALIJA IZETBEGOVIĆ"

Član 1. (Predmet Odluke)

Ovom Odlukom osniva se Javna ustanova Muzej "Alija Izetbegović".

Član 2. (Osnivanje Javne ustanove)

Kanton Sarajevo je osnivač Javne ustanove "Alija Izetbegović" koja nastavlja sa radom kao kantonalna javna ustanova u državnoj svojini.

Član 3. (Naziv i sjedište Javne ustanove)

- (1) Naziv Javne ustanove je Muzej "Alija Izetbegović" (u daljnjem tekstu: Muzej).
- (2) Sjedište Muzeja je u Sarajevu, Ulica Kapi - kula Ploča, Kovači
- (3) Naziv i sjedište Muzeja iz st. (1) i (2) ovog člana može se promijeniti.
- (4) Odluku o promjeni naziva i sjedišta Muzeja donosi Skupština Kantona Sarajevo (u daljnjem tekstu: Skupština) na prijedlog Vlade Kantona Sarajevo (u daljnjem tekstu: Vlada Kantona).

Član 4. (Svojstvo pravnog lica)

Muzej ima svojstvo pravnog lica.

Član 5. (Korištenje muzejskog prostora)

Javnoj ustanovi Muzej "Alija Izetbegović" povjeravaju se na korištenje Kapi kule i to:

- a) Kapija na Širokcu u Sarajevu označena kao k.č. br. 21 upisana u ZKUL XCV/43 k.o. Sarajevo kao spomenik kulture;
- b) Kapija /kapi - kula/ na Pločama u Sarajevu označena na k.č. br. 23 upisana u ZKUL LXXXIV/45 k.o. Sarajevo;
- c) Bedemi Vratničkog grada i Strošićka tabija na k.č. br. 2 iz ZKUL XC/17 - bedemi u površini 183 m² sjeverno od Bijele tabije, k.č. br. 38. iz ZKUL XCII/39 - bedemi u površini 194 m², k.č. br. 52 iz ZK UL XCIII/50 - bedemi u površini od 304 m², k.č. br. 3 iz ZKUL XCV/43 - bedemi u površini od 158 m², k.č. br. 3. iz ZKUL LXXXIV/45 - bedemi u površini 177 m², k.č. br. 3. iz ZKUL LXXXV/56 - bedemi /zidine/ bastiona u površini od 505 m², te k.č. br. 3 iz ZKUL LXXXVII/48 - bedemi tvrđave i Strošićka tabija u površini od 3444 m² sve k.o. Sarajevo.

Član 6.
(Djelatnost)

Djelatnost Muzeja:

92.521. DJELATNOST MUZEJA

Ovaj podrazred obuhvata:

- rad muzeja svih vrsta,
- muzeji umjetnosti, nakita, namještaja, odjeće, keramike, srebrnih predmeta i dr.,
- muzeji prirodnih vrijednosti, naučni, tehnički i historijski muzeji, uključujući i vojne muzeje i historijske objekte,
- ostali specijalizirani muzeji,
- muzeji na otvorenom prostoru.

Član 7.
(Proširenje ili promjena djelatnosti)

- (1) Muzej ne može promijeniti djelatnost iz člana 5. ove Odluke, bez saglasnosti osnivača.
- (2) Djelatnost Muzeja iz člana 5. ove Odluke može se proširiti ili promjeniti.
- (3) Odluku o proširenju ili promjeni djelatnosti donosi Skupština na prijedlog Vlade Kantona.

Član 8.
(Pravni poslovi)

Muzej ima pravo da u pravnom prometu zaključuje ugovore i vrši druge poslove i radnje u okviru svoje pravne sposobnosti i registrovane djelatnosti.

Član 9.
(Preuzimanje kadrova, objekata i opreme)

- (1) Danom stupanja na snagu ove Odluke, Muzej preuzima kadrove, objekte i opremu na korišćenje, te sva prava i obaveze bivšeg depadansa: "Muzej Alija Izetbegović - spomen soba" koji je egzistirao u sastavu kantonalne Javne ustanove "Muzej Sarajeva".
- (2) Objekti i oprema iz stava (1) ovog člana državna su imovina.

Član 10.
(Sredstva za rad)

Izvori sredstava za rad Muzeja su:

- a) sredstva osnivača,
- b) od naplate ulaznica,
- c) iz naknada za obavljanje intelektualnih i drugih usluga,
- d) iz legata, poklona, zavještanja i iz drugih izvora.

Član 11.
(Saglasnost na opšte akte)

Vlada Kantona daje saglasnost na pravila, Pravilnik o unutrašnjoj organizaciji i sistematizaciji, planove rada i razvoja i godišnji program rada Muzeja.

Član 12.
(Međusobna prava i obaveze)

Pitanja prava i obaveza između osnivača i Muzeja koja nisu regulisana ovom odlukom, utvrdit će se ugovorom.

Član 13.
(Organ upravljanja)

- (1) Organ upravljanja u Muzeju je Upravni odbor od pet članova.
- (2) Jedna trećina članova Upravnog odbora po pravilu imenuje se iz reda stručnih kadrova zaposlenih u Muzeju.
- (3) Predsjednika i članove Upravnog odbora imenuje i razrješava Vlada Kantona.

Član 14.
(Organ rukovođenja)

- (1) Organ rukovođenja u Muzeju je direktor.
- (2) Direktora Muzeja imenuje Upravni odbor na osnovu konkursa koji se objavljuje u javnim glasilima, uz saglasnost Vlade Kantona.
- (3) Direktor Muzeja ne može biti član Upravnog odbora.
- (4) Direktor Muzeja ovlašten je da predstavlja i zastupa javnu ustanovu u okviru registrovane djelatnosti.
- (5) Do imenovanja organa rukovođenja, Muzej će predstavljati i zastupati Elvis Kondžić, kustos Muzeja "Alija Izetbegović" sa svim pravima i odgovornostima direktora.

Član 15.
(Organ kontrole poslovanja)

- (1) Organ kontrole poslovanja u Muzeju je Nadzorni odbor od tri člana.
- (2) Predsjednika i članove Nadzornog odbora imenuje i razrješava Vlada Kantona.
- (3) Najmanje jedan član Nadzornog odbora imenuje se iz reda stručnih radnika zaposlenih u Muzeju.

Član 16.
(Slučajevi razrješenja)

- (1) Vlada Kantona razrješava predsjednike i članove upravnog i nadzornog odbora i prije isteka mandata na koji su imenovani u sljedećim slučajevima:
 - a) ako utvrdi da su odgovorni za neuspješan ili nezakonit rad Muzeja,
 - b) ako je Muzej poslovao sa gubitkom dvije (2) godine uzastopno,
 - c) na njihov lični zahtjev,
 - d) ako Skupština ne usvoji godišnji izvještaj o radu i finansijskom poslovanju Muzeja.

e) u drugim slučajevima utvrđenim zakonom i pravilima ustanove.

(2) Procedura usvajanja izvještaja o radu i finansijskom poslovanju ustanove, posljedice mogućeg neusvajanja navedenih akata, kao i postupak i način razrješenja predsjednika i članova upravnog i nadzornog odbora i direktora, precizirat će se Pravilima Muzeja.

Član 17.
(Ostvarivanje radnih prava)

Radnici Muzeja ostvaruju prava u skladu sa zakonom, kolektivnim ugovorom, pravilima Muzeja i drugim općim aktima Muzeja.

Član 18.
(Finansijsko poslovanje)

Finansijsko poslovanje Muzeja vrši se u skladu sa propisima koji regulišu trezorsko poslovanje.

Član 19.
(Rok za donošenje općih akata)

Upravni odbor Muzeja donijet će pravila, akt o unutrašnjoj organizaciji i druga akta u roku od 30 dana od dana stupanja na snagu ove Odluke.

Član 20.
(Izveštaj o radu i poslovanju)

(1) Upravni, odnosno nadzorni odbor obavezan je da Ministarstvu kulture i sporta Kantona Sarajevo (u daljnjem tekstu: Ministarstvo) redovno dostavlja zapisnike sa održanih sjednica upravnog, odnosno nadzornog odbora, a izvještaj o radu godišnje.

(2) Godišnji izvještaj o radu sadrži: izvještaj o izvršenju godišnjeg programa rada, izvještaj o finansijskom poslovanju, izvještaj o radu upravnog odbora i izvještaj o radu nadzornog odbora.

Član 21.
(Nadzor nad zakonitosti rada)

Nadzor nad zakonitosti rada Muzeja vrši Ministarstvo.

Član 22.
(Prijava u sudski registar)

(1) Ovlašćuje se Predsjedavajući Skupštine da u ime Osnivača potpiše osnivački akt i sve isprave potrebne za osnivanje javne ustanove, kao i sve isprave za koje je u skladu sa važećim zakonskim propisima neophodna notarska obrada.

(2) Javna ustanova "Muzej Alije Izetbegovića", obavezna je da u roku od mjesec dana od dana stupanja na snagu ove Odluke podnese prijavu radi upisa Javne ustanove u sudski registar koji se vodi kod Kantonalnog suda u Sarajevu.

(3) Do sticanja svojstva pravnog lica zaposlenici Muzeja Sarajeva angažovani u depadansu "Muzej Alija Izetbegović - spomen soba" svoja prava iz radnog odnosa i po osnovu rada ostvarivat će u Javnoj ustanovi Muzej Sarajeva.

Član 23.
(Potpuna i supsidijarna odgovornost)

- (1) Za svoje obaveze Muzej odgovara svom svojom imovinom - potpuna odgovornost.
- (2) Osnivač Muzeja je supsidijarno odgovoran za obaveze Muzeja.

Član 24.
(Prestanak važenja Odluke o depadansu)

Danom upisa Muzeja u sudski registar, prestaje sa važenjem Odluka Ministarstva kulture i sporta Kantona Sarajevo o povjeravanju na korištenje Kapi kule kao depadansa Muzeja Sarajeva pod nazivom "Muzej Alija Izetbegović - spomen soba", broj 12-14-21906/07 od 27.09.2007. godine.

Član 25.
(Stupanje na snagu Odluke)

Ova Odluka stupa na snagu danom objavljivanja u "Službenim novinama Kantona Sarajevo".

Broj 01-05-30327-1/09
30. decembra 2009. godine
Sarajevo

Na osnovu člana 12. stav 1. tačka c) i člana 18. stav 1. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04), čl. 3. i 6. Zakona o ustanovama ("Službeni list RBiH", br. 6/92, 8/93 i 13/94) i čl. 13. i 14. Zakona o muzejskoj djelatnosti ("Službene novine Kantona Sarajevo", br. 2/00 i 7/05), Skupština Kantona Sarajevo, na sjednici održanoj dana 27.12.2012. godine, donijela je

ODLUKU

**O IZMJENAMA ODLUKE O OSNIVANJU JAVNE
USTANOVE MUZEJ "ALIJA IZETBEGOVIĆ"**

Član 1.

Član 6. Odluke o osnivanju Javne ustanove Muzej "Alija Izetbegović" ("Službene novine Kantona Sarajevo", broj 37/09), mijenja se i glasi:

"Član 6.

Djelatnost "Muzeja" je:

- 91.02 Djelatnost muzeja
- 91.03 Rad historijskih mjesta i građevina te sličnih znamenitosti za posjetioce
- 90.03 Umjetničko stvaralaštvo
- 95.24 Popravak namještaja i pokućstva."

Član 2.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-05-31442/12	Predsjedavajuća
27. decembra 2012. godine	Skupštine Kantona Sarajevo
Sarajevo	Prof. dr. Mirjana Malić , s. r.